

«Tut auter che ordinari»: «Womenomics» 2015 – lavoratori da barat per dunnas da fatschenta

Cuira, ils 28 d'avust 2015 – Ier ha gi lieu a Cuira per la terza giada l'occurrenza «Womenomics» – lavoratori da barat per dunnas da fatschenta, organisada da la Banca Chantunala Grischuna (BCG) e da l'associaziun Wirtschaftsfrauen Schweiz. L'accent tematic: scuvrir, promover e sviluppar talents. In'actura, in'interprendidra ed in scienzià han preschentà lur experientschas davart il tema «Tut auter che ordinari – svegliai Voss talents zuppads».

Success n'han ins betg senza far nagut. I dovra fortuna, curaschi, dira lavur ed in talent spezial ch'i vala da scuvrir, promover e sviluppar. Mintga uman ha talents ch'el po trair a niz da moda ch'el ed auters profiteschan. Il geneticher viennais Markus Hengstschläger è persvadi da quai. Deplorablamain s'orientescha noss sistem da scola tenor normas e standards, in sistem che sforza scolaras e scolars da s'adattar a la media empè da sviluppar duns individuals. Hengstschläger discorra en quest connex da la trapla da la mediocradad.

Mitschar da la trapla da la mediocradad

Mitschadas da la trapla da la mediocradad èn l'actura Tonia Maria Zindel e l'interprendidra Magdalena Martullo-Blocher. Omaduas han gi success professional grazia a lur talents individuals. Tge che stat davos lur carriera, co ch'ellas han scuvert lur talent e lur receipts per il success han l'actura e l'interprendidra exemplarica tradì en lur plects.

Renconuschientscha ed confidenza

Tonia Maria Zindel ha scuvert ses talent per far teater gia da mattatscha giuvna. A l'anteriura Academia da teater Turitg ha ella cumenzà sia furmaziun ed obtegni spert reconuschientscha. Quai ha dà forza ad ella da surmuntar era fasas pli grevas. Magdalena Martullo-Blocher ha surpiglià il 2004 la direcziun da l'Ems Chemie da ses bab Christoph Blocher. Ses receipt da success: esser pronta da ristgar insatge nov ed esser persvasa ch'ins po far dapli che quai ch'ins pensa.

La part uffiziala da l'occurrenza è ida a fin cun in sguard en l'avegnir da Clivia Koch, presidenta da l'associaziun Wirtschaftsfrauen Schweiz. L'occurrenza da quest onn «Womenomics» – lavoratori da barat per dunnas da fatschenta vul motivar dunnas da scuvrir e sviluppar lur talents per far diever dad els en la professiun.

A Vossas dumondas respunda gugent:

- Thomas Roth, commember da la direcziun BCG | +41 81 256 81 94
- Clivia Koch, presidenta da l'associaziun Wirtschaftsfrauen Schweiz | +41 61 275 24 42

Il sector Marketing & communicaziun As gida gugent a cuntanscher il pli svelto pussaivel Vossas personas da contact:

As drizzai a thom.mueller@gkb.ch | +41 81 256 83 11
ubain a hans-peter.rest@gkb.ch | +41 81 256 83 10.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 1'053 collavuraturas e collavuratur (stadi dals 30-06-2015). En il chantun Grischun cun sias numerusas vals e pliras linguas, è l'interpresa represchentada cun 63 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaint semestral preschenta ella cun ina summa da bilantscha da CHF 22,696 milliardas in gudogn brut consolidà da CHF 98,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Cifras annualas 2015:	12 da favrer 2016
Radunanza dals participants:	19 da mars 2016